

PKM anjur pertandingan silat pra-remaja

16 DEC 1990

JIKA hendak melentur buluh luntur-lah semasa rebung. Itulah pepatah Melayu yang dipegang oleh Persatuan Kebudayaan Melayu (PKM) apabila ia membuat keputusan untuk menganjurkan Pertandingan Silat Olahraga Pra-Remaja antara perguruan-perguruan dalam PKM sendiri atau intra-PKM berserta dengan perguruan dan perkumpulan silat sahabatnya.

PKM menamakan pertandingan itu secara rasmi sebagai Pertandingan Silat Tunas Pendekar Terbuka Intra-PKM 1990.

Sebagai sifatnya, maka ia dibuka untuk mereka yang berusia di bawah 14 tahun.

Yang menjadi tunggak penganjuran pertandingan ini ialah perguruan Sendeng Pukolan bersama perguruan PKM Sekilas, dengan dibantu oleh Perkumpulan Selayang Pandang.

Berita Minggu

Turut serta dalam pertandingan terbuka ini ialah pesilat-pesilat tunas dari ketiga-tiga perguruan/perkumpulan silat beserta sebuah perguruan sahabat iaitu Tapak Suci.

Dengan yang demikian balai-balai rakyat yang turut serta dalam pertandingan ini ialah balai-balai rakyat di mana perguruan/perkumpulan silat ini bergiat — balai-balai rakyat Hougang, Braddell Heights, Khe Bong dan Marsiling bagi Sendeng Pukolan; Kaki Bukit dan Chai Chee bagi Sekilas; Kelab Masyarakat Kampong Kembangan bagi Selayang Pandang dan balai rakyat Thomson bagi Tapak Suci.

Pertandingan silat olahraga pra-remaja ini adalah yang pertama pernah diadakan oleh sebuah persatuan Melayu atau sebarang badan di Singapura.

Balai rakyat Yio Chu Kang pernah memasukkannya sebagai salah satu kategori dalam pertandingan silat yang dianjurkan beberapa tahun lalu, tetapi dalam pertandingan campuran, bukan khusus untuk kategori itu.

Pertandingan diadakan untuk merebut Piala Pusingan Presiden PKM. Peringkat saringan diadakan pada 17 November sementara peringkat suku akhir dan separuh akhir diadakan pada 24 November, kesemuanya di Kelab Masyarakat Kampong Kembangan.

Peringkat akhir serta majlis penyampaian hadiah berjalan dengan meriah di Kelab Masyarakat Kampong Kembangan juga, pada malam Ahad lalu.

Tetamu Terhormat untuk Majlis itu ialah Presiden PKM dan beliau juga telah dijemput untuk menyampaikan hadiah kepada para pemenang.

Para pemenang Tunas Pendekar adalah seperti berikut:

Kelas A, Kategori 1 & 2 — Ismadi Md Eksan dari Sekilas;

Kelas B, Kategori 1 & 2 — Mohd Faisal Mohd Salleh dari Selayang Pandang; Kategori 3 — Mohd Faiz Hj Ahmad dari Sendeng Pukolan;



SIAP UNTUK BERTANDING: Perguruan PKM, jika hendak melatih seseorang itu biarlah semasa kecilnya. — Gambar fail.

Kelas C Kategori 1 — Md Ferdauz A Kadir dari Selayang Pandang;

Kategori 2 — Roshan Minhaj dari Sekilas;

Kategori 3 — Md Ridzwan Hj Taib dari Selayang Pandang;

Kelas D — Kahril Mohd Arifin dari Sendeng Pukolan;

Kelas E — Abdul Rashid Md Sedek dari Selayang Pandang;

Kelas F — Norizal Mad dari Sendeng Pukolan;

Kelas G — Satria Mad dari Sendeng Pukolan;

Kelas H — Andee Satria dari Selayang Pandang;

Kelas Terbuka Kat 1 & 2 — Shah Indra Rahim dari Selayang Pandang dan

Kelas Terbuka Kat 3 — Alam Shah Mohd Noor dari Selayang Pandang.

Maka dengan itu, Piala Pusingan bagi tahun 1990 dimenangi oleh Perkumpulan Silat Selayang Pandang.

Para pemenang bahagian tunas srikandi bagi kelas-kelas C, D, F/G, H dan Terbuka: Annizah Ahmad (Tapak Suci), Siti Aishah Md Ariffin (Sendeng Pukolan), Norsa'dah Ali (Selayang Pandang), Mawarni Salim (Sendeng Pukolan) dan Hanisah Md Eksan (Sekilas).

— Oleh HARON ABDUL RAHMAN 7